

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





# 永明心賦註

妙圓正修智覺永明壽禪師述

永明心賦註





清刻龍藏佛說法變相圖

永明心賦註卷一

妙圓正修智覺永明壽禪師述

郡六

覺王同稟

註曰楞伽經佛語心為宗無門為法門又經頌云如世有良醫以妙藥救病諸佛亦如是為物說唯心問佛語心為宗無門為法門既稱心賦便是標宗何假廣用文言仍繁註解且凡論宗旨唯逆頌境如日出照高山駛馬見鞭影所以丹霞和尚云相逢不舉出舉意便知有首楞嚴經云圓明了知不因地念揚眉動目即是洞達如先德頌云便是猶倍句動目即差遠若問曹溪旨不更待揚眉答今為樂佛乘人實未薦者假以詞句助顯真心雖桂文言妙旨斯在俯狀中下盡草率機但任當人各資已利百川雖潤何妨大海廣合五藏自爾不礙太陽音照根機莫等樂欲歷河於四門入處雖殊在一真見時無別如復与者羅之一目不可以一為羅治國者功在一人不可以一人為國如內德論云夫一水無以和羹一木無以建室一文無以稱象體一藥不療殊疾一彩無以為文繡一聲無以諧琴瑟一言無以勸眾善一成無以防多失何得怪漸頌之異今法門之專一故云如為一人眾多亦然如為眾多一人亦然豈同劣解凡情而生苟見我此無礙廣大法門如虛空非相不拒諸相發揮似法性無身匪礙諸身頓現所以藏法師云自有眾生尋教得真會理無礙常觀理而不礙持教恒誦習而不礙觀空則理教俱融不礙

礙持教恒誦習而不礙觀空則理教俱融不礙

成一觀方為究竟博通耳斯祖亂親傳此註曰

乃教觀一如證旨同原矣心不立文字又云

直指人心見性成佛亦云默傳心印代代相

承造至**大開真俗之本**註曰如大乘起信論

今日一切眾生大來信根所言摩訶衍者此云大

乘又大乘皆是眾生心一體周遍故名為大

論云摩訶衍者總觀有二種一者法二生滅門

所言法者謂眾生心是心則攝一切世間出

世間法依於此心顯示摩訶衍義何以故是

心真如相即示摩訶衍體故是心生滅因緣

相能示摩訶衍自體相用故所言義者則有

三種一者體大謂一切法真如平等不增減

故二者相大謂如來藏具足無漏性功德故

三者用大能生一切世間出世間善因果故

一切諸佛本所乘故一切菩薩皆乘此法到

如來地故是知一心是諸佛本所乘菩薩因

乘此心法皆到如來地故離此一心外別無

則第一獨標天地之先註曰傳大士頌云有

義能為萬象主不迷四時老子云百物源

成先天地生存分今獨立而不欺周行而

不殆可以為天下母吾不知其名字之曰道

強之曰大寶藏論云空可空非真空色可色

非真色真色無形真空無名無名之空無

施元家下列冥庭元氣含於大地之太祖上

無形為識物之靈靈中有神神中有身無為

變化各乘**常為諸佛之師能含眾妙**註曰諸

乎自然為師起信論云所言法者眾生心是又知之

一字眾妙之門禪源集云夫言心者是心之

名言知者是心之體能含眾妙者一心者實

之內眾妙存焉清淨法界者實實以真能

含恒沙妙德微妙相大以為所舍相依乎性

性無不包故稱為舍又云妄念本寂塵境本

空空寂之心靈知不昧即此空寂之知是前

述摩所傳清淨心也任迷任悟心本自知不

籍緣生不固境起迷時煩惱如非煩惱時

神變如非神變然由迷此知即起我相若了

此知利那成佛故心要成云心法本乎無住

無住心體靈知不昧又况如一摩尼珠一靈

心也唯圓明淨空寂知也都無一切差別色

相以體明故對外物時能現一切差別色相

色相自有差別明珠不曾變易且如珠現黑

時但云黑等并珠如洪州馬大師云起心動

念彈指瞬目所作所為皆是佛性此是即妄

明真或批離黑覓珠如北宗秀大師云眾生

二

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



本有覺性如鏡有明性煩擾覆之不見如鏡  
 有塵闇妄念盡則心明昏塵滅則鏡朗此是  
 離空明真戒云明無事心鏡本寂非今始空  
 云諸法如夢本來無事此是真妄俱無初一  
 宜喪已忘情情忘即絕此是真妄俱無初一  
 皆真次一皆妄復一皆無皆是未見珠也如  
 荷淨和尚於空無相處指示知見了了常知  
 不昧心性見味黑之時但見珠體明白不觀  
 黑色及青黃等雜色既不即黑亦不離黑亦  
 不黑白俱拂了了見心性之時不即不離無  
 住無非一非異不取不捨又真心不體有  
 二種用一者自性本有一者隨緣應用猶如  
 銅鏡銅之質是自性體銅之明是自性用明  
 所現影是隨緣用影即對緣力現現有于差  
 明即光明唯用影以喻心常寂是自性體  
 心常知是自性用今洪州指不能語言分別  
 等但是隨緣用自性用也又顯教有比量  
 顯現量顯洪州云心不可指示但以能語言  
 等驗之知有佛性是不約知以顯心是現量  
 體能知知即是心不約知以顯心是現量顯  
 洪州同此又不變是體隨緣是用又荷淨所  
 宗空寂知者空寂即是無相以神解之性雖  
 無形指而靈知不昧故云寂知亦云寂照亦  
 云無相之知亦云無知之知如肇論云寂照亦  
 般若云般若無所有相無生滅相道行般若  
 云般若無所知無所見此辨智照之用而曰  
 無相無知者何耶果有無相之知不知之照  
 明矣何者夫有所知則有所不知以聖心無  
 知故無所不知不知之知乃曰一切知故經  
 云聖心無知無所不知信矣空寂即是無相

即是無知論云無所不知又云乃日一切知  
 者此知即是真知為一切眾生自心之體真  
 性靈知湛然恒照亦云無念之知若有念而  
 知凡夫境界故云知覺乃眾生若無念無知  
 二乘境界若無念而知諸佛境界空寂即是  
 無念亦云無住之知若有所住如人入關則  
 無所見若無所住如日月光明照見種種色  
 華鬘錦冠云舍眾妙而有餘者謂一切事皆  
 不改本相不離本位法法皆能為大為小為  
 一為多為主為伴即此即彼即隱即顯即延  
 即促互相攝入重重無盡如帝網天珠以要  
 言之隨一一事一念皆具十元之義同時具  
 足無有前後如海一滴即具 恒作羣賢之母  
 百川滴滴皆爾故名為妙 恒作羣賢之母  
 可謂幽元 註曰夫般若者諸佛之母故淨  
 導師所言般若者即一切眾生自心靈知之  
 性耳如寶藏論云夫天地之內宇宙之間中  
 有一寶秘在形山誠物靈照內外空然寂寞  
 難見其謂元元乃出於紫微之表用在於虛  
 無之間端化不動獨而無雙聲出妙響色吐  
 華容窮觀無所寄號空空唯留其聲不見其  
 形唯留其功不見其容幽顯朗照物理虛通  
 森靈寶印萬象真宗其為也形其寂也冥本  
 淨非瑩法爾圓成光起日月德越太清萬物  
 無作一切無名能轉變天地自在縱橫恒沙  
 妙用泥洹而成離聞不喜誰聞不驚如何以  
 無價之寶隱於陰人之坑哀哉哀哉其謂自  
 輕悲哉悲哉晦於陰人之坑哀哉哀哉其謂自  
 照十方閻寂無物圓應堂堂應聲應色應陰

應陽奇特無根妙用常有瞬日不見則耳不聞其本也冥其化也形其為也聖其用也靈可謂大道之真精其精甚靈萬有之因然常任與道同倫故經云隨其心淨則佛土淨任月森羅其名曰聖又若證此一心則解一切法門如止觀云譬如良醫有一秘方總攝諸方阿伽陀藥功兼諸藥如食乳糜更無所須一切具足如如意珠乃至此一心是大中義中了美元中元妙中妙不可思議中不可思議若能如此簡非顯是體惟實而發心者是一切諸佛種種譬如金剛從金性生佛菩提心從大悲起是諸行先如服阿婆羅藥先用清水諸行中最如諸根中命根為最佛正法正行中此心為最如太子生其子儀相大臣恭敬有大聲名如迦陵頻伽鳥教中鳴聲已勝諸鳥此菩提心有大力如師子筋絃如師子乳如金剛鉉如那羅延箭具足眾寶能除貧苦如如意珠雖小懈怠小失威儀猶勝二乘功德舉要言之此心即具一切菩薩功德能成三世靈性有殊該通匪一註曰此一心靈臺之性最靈最妙作萬法之王為尊有之體堅微三世橫亘十方大智度論云在有情教中為佛性在無情教中為法性所以華嚴經頌云法性遍在一切處一切眾生及國土三世悉在無有餘亦無形相而非取捨非修非學淨品云夫性離微者則非取捨非修非學非本無今有非本有今無乃至一法不生一法不滅非三界所攝非六趣所變非愚智所

改非只妄所轉平等者迨一切圓滿總為一大法界幻化靈宅迷之者歷劫浪修悟之者當體千途盡向於彼生萬象皆從於此出註曰淨名經云一切法以無住為本無住者一切眾生第八識心此心無住無本故云從無住本立一切法如華嚴經云不離於心所見清淨又云不離於心無處所是知心生一切法如地出水如谷孕風如石生雲如木出火是如離心無法離法無心如長者論云若直說第八種子識為如來藏者即業種恆真生怖難信以法如是之力何一含誠而不具神通承本覺性之功豈一剎塵而靡含道跡故華嚴經云法如是力者本合如然又云佛神力者應真日神所以古德云自力與佛力無別自智與佛智無差又云一身即以法界為量自他之境都亡法界即自身適周能所之清見絕如大海之滄滄滄之中皆得大海比象生之心心心事廓恒沙理標精實吞滄溟於皆含佛智

**毛孔唯是自因卷法界於塵中匪求他術**註曰首楞嚴經云眾生迷悶背覺合塵故發塵勞有世間相我以妙明不生不滅合如來藏而如末廣唯妙覺明圓照法界是故於中一為無量無量為一小中現大大中現小不動道場現十方界身舍十方無盡虛空於一毛端現寶王剎坐微塵裏轉大法輪是如昔現觀心自然大相相合不為物轉亦如芥納須彌等百門義法云上如是山高廣是自心現作



大今見塵小時亦是自心現作小今由見塵  
全以見山高之心而今現塵也是故即小容  
大如云萬象如須彌淨心如芥子故云森羅  
及萬象一法之所印即是萬法一心一萬  
法故稱毛吞巨海芥納須彌非干神通變化  
之力真心具德法性如是如華嚴記云如經  
一毛端中一切世界差別性者謂一毛端性  
即是一切世界差別性今一切世界即事隨  
其法性即一毛端以性 **任機啓疏應物成名**  
即毛端諸界即性故

註曰一切法本無名但是心為名故般若經  
云六塵純故不自名不自立皆是因心立名  
故云萬法本間而人自間又云三阿僧祇名  
字皆是心之異號如天台淨名疏云一法異  
名者諸經異名說真性實相或言一實諦或  
言自性清淨心或言如來藏或言一如或言  
實際或言實相或言法身或言一乘或言首  
楞嚴或言法性或言法身或言中道或言單  
竟空或言正法性淨性淨法身如是大智論  
異名此皆是實相之異稱故大智論傷言般  
若是一法佛說種種名隨諸眾生類為之立  
異字大涅槃經云如天帝釋有千種名解說  
亦爾多諸名字又云佛性者有五種名故皆  
是起機利物為立異名也而法體是一未嘗  
有異如帝釋千名名雖不同終是目於天主  
豈有間異名故而言非實相理如人供養帝  
釋敬橋尸迦供養橋尸迦設於帝釋如此供  
養未必得福未代執法者亦爾或信賴耶自  
性清淨心而毀畢竟空或信畢竟空無所有  
毀賴耶誠自性清淨心或言般若明實相法

華明一乘皆非佛性此之求福豈不慮禍若  
知名異體一則隨善之善過於法界何所誇  
乎又諸經內通緣稱機更有多名隨處安立  
以廣大義邊目之為海以圓明理顯稱之日  
珠以萬法所宗號之曰王以能生一切諸之  
日母但是無義之真義多亦不多無心之真  
心一亦不一故華嚴私記云取決斷義以智  
言之取能生長以地言之取其高顯以山言  
之取其深廣以海言之取其圓淨以珠言之  
此上約有名尚乃無數更有無名豈可測量

如大法炬陀羅尼經云佛告諸菩薩汝等勿  
謂天定久也人定人也佛定佛見也乃至  
如一事有種種名如一人有種種名如一天  
乃至鬼畜生有種種名亦復如是亦有多  
種鬼全無名字於一彈指頃轉變身體作種  
種形如是眾生於一時間現無量色身云何  
可得呼其名也若佛鬼等有生處名字受食  
名字及壽命名字若地獄眾生無有名字生  
處者則其形亦無定彼中惡業因緣未盡改  
於一念中種種變身釋曰如地獄中一日一  
夜之中萬生萬死元豈可名其名字耶又無間  
獄中之一身無間各各盡過八萬四千由旬  
地獄之重不相障礙是知業果不可思議非  
獨聖果如云清淨妙法身湛然應一切今時  
人將謂諸佛法身能分能過不信眾生亦一  
身無量身以眾生業果不可思議故是以經  
云佛界不可思議眾 **大士修之而行立** 菩薩  
生界亦不可思議 萬行皆從真慈悲心起  
所行十波羅蜜四攝萬行皆從真慈悲心起  
故金剛三昧經云空行不動具足六波羅蜜

又般若經云一心具足萬行十波羅蜜者指  
 因心捨經云無可與者名為布施是名具施  
 若心外有法即名住相布施如人入闇即無  
 所見或因心持經云戒性如虛空持者為迷  
 制自性之律豈能行忍辱佛言見心相念  
 受經云云何菩薩能行忍辱佛言見心相念  
 念滅豈可將心對治前境為忍受耶進因心  
 作經云若能心不起精進無有淫寧著有為  
 妄與勞慮耶禪因心發經云能觀心性名為  
 上定豈避喧雜而守靜耶般若從心起經  
 云不求諸法性相因緣是名正慧寧外御文  
 言強生知解耶方便從心生經云菩薩以無  
 所得而為方便則心外無法方能行菩薩之  
 道力從心運四大之力皆不如心心無形故  
 力最無上神通變化入不思議心之力也願  
 從心布一切意願盡從心生一切行門皆從  
 願起智從心速如來靈智是眾生心此心念  
 念具足十波羅蜜乃不入萬四千法門皆從  
 心出如眾生心中全體大今日修行引出法  
 身心中有相大今日修行引出報身心有  
 用大今日修行引出化身故知三身四智皆  
 自心中出心外更無一事一法而能建立如  
 蓮源觀云一體起二用一者海印森羅常住  
 用海印者真如本覺也妄盡心澄萬象齊現  
 猶如大海因風起浪若風止息海水澄清無  
 像而不現故云森羅及萬象一法之所印一  
 法者所謂一心是心則攝一切世間出世間  
 法則是一法界大總相法門體唯是一依妄  
 念而有差別若離妄念唯是一真如故云海印  
 三昧二者法界圓明自在用是華嚴三昧也

謂廣修善行稱理成德皆同法界而證菩提  
 良以非真流之行無以契真何有錄真之行  
 不從真起此則真該妄末行覺帝體之而圓  
 無不修妄微真源相無不寂  
 成 註曰諸佛了一切法皆是真心圓成實性  
 無如蓮源觀云良以法無分劑起必同時真  
 理不做萬差顯應一除用即波騰海沸全真  
 雖以運行體即鏡淨水澄舉隨緣而會寂若  
 曠光之流影無心而朗十方如明鏡之端形  
 不動而 聲聞證之為四諦 註曰聲聞不了自  
 星萬象 苦諦集諦滅諦道諦生滅四諦為反斷之果  
 不達一心圓教無作四諦具廣大神通所以  
 會判弗於法華會中得見心性親受佛記  
 後方識悔云同共一法中而不得此事 支  
 佛悟之詔緣生 註曰辟支佛但於自心境內  
 門亦成反斷之果皆不能 天女之華無著 註  
 一心圓具十法界之體用  
 淨名經中天女散華於菩薩身上即無著於  
 華關身上即華著身大凡一切菩薩施為皆  
 是自心作用以心無著故華亦無著是以聲  
 聞執為心外之華至起厭離云不知法乃隨  
 佛隨生故知萬法隨 海慧之水澄清 註曰大  
 自心生隨自心滅 衆盡見萬水以法外無法故 執謬解而外道  
 門開邊邪網密 註曰西天九十六種外道皆  
 不達自心唯苦其身行技最

赴火無益苦行但心外見法理外別求皆是  
外道蓋成邪見如密網自圓不能得出三界  
**役妄念而凡途業起生死波橫**註口一切諸業皆從有心

起無心即無業故經頌云諸法不守因但立  
在於念善解見空者一切無想念又云一念  
中有九十刹那一刹那中有九百生滅故知  
生死即念念即生先所以經頌云有念即生  
死無念即死註此一心法

**括古搜今深含獨占**註此一心法諸教同證無不  
持歸傳通於此如大果本主心地觀經觀心  
品云爾時文殊師利菩薩摩訶薩白佛言世  
尊如佛所說善妙德等五百長者我為汝等  
敷演心地微妙法門我今為是皆問如來云  
何為心云何為地乃至薄伽梵告諸佛母無  
垢大聖文殊師利菩薩摩訶薩言大善男子  
此法名為十方如來義勝秘密心法此法  
名為一切菩薩起大菩提真實正路此法名  
為三世諸佛自受法樂微妙實宮此法名為

一切鏡蓋有情無量寶藏此法能引諸菩薩  
果封色究竟自在智處此法能引諸菩提樹  
復身菩薩真實導師此法能兩世出世財如  
摩尼寶滿眾生願此法能生十方三世一切  
諸佛功德本原此法能消一切眾生諸惡業  
果此法能與一切眾生所求願印此法能度  
一切眾生生死險難此法能息一切眾生苦  
海波浪此法能救苦惱眾生而作思難此法  
能竭一切眾生病元海此法善能出生諸  
佛因緣種子此法能與生克長夜為大智炬

此法能破四魔兵眾而作甲冑此法即是正  
勇猛軍戰勝於旗此法即是一切諸佛無上  
法輪此法即是最勝法幢此法即是大師子王  
法鼓此法即是大法螺此法即是大師子王  
此法即是大師子王此法即是大師子王  
能正法若順王化獲大安樂若違王化尋被  
誅滅善男子三界之中以心為主能觀心者  
究竟解脫不能觀者究竟沉淪眾生之心猶  
如大地五穀五菓從大地生如是心法生世  
出世善惡五趣有學無學獨覺菩薩及於如  
來以是因緣三界唯心心名為地一切凡夫  
觀近善友開心地法如理觀察如說修行自  
利救他讚願慶慰如是之人能斷二障五乘  
速圓眾行疾得阿耨多羅三藐三菩提

**道鍊出於沖襟**

註曰五乘者持五戒得人乘二行十善得天乘三修四

請得聲聞乘四悟十二因緣法得緣覺乘五  
具六度行得菩薩乘此五乘法皆從一念善  
心薰鍊十法界孕成於初念註曰十法界者  
而出一天法界修十

善業二人法界持五戒業三修羅法界行懺  
悔業四地獄法界造十惡業五欲鬼法界造  
淫食業六畜生法界造惡業七聲聞法界  
證四諦法入緣覺法界悟十二因緣法九菩  
薩法界行六度門十佛法界行平等一乘法  
已上凡聖共成十法界陸陸降降皆從最初  
一念發起爾後念念相續成事善因樂果惡  
因苦果前後相嗣未會遺失故經云心能天  
室心能地獄且約地獄界法華中十如唯心  
上九界亦然如龍音元義云地獄界具十如

如六

性相體力作因緣果報本末究竟等一如是  
 地獄性者性名不改如竹中有火性若其無  
 者不應從竹求火從地求水從扇求風心有  
 地獄界性亦復如是二地獄相者獲而可別  
 名之為相善觀心者即識地獄之相如善相  
 師占相無謬三地獄體者以心為體心覺苦  
 樂故以當體譬如銀鑄珠之珠終以銀為  
 體質六道之色雖異祇是約心故心為體也  
 四地獄力者運御名力緣刀山八火聚皆其  
 其心力也五地獄作者發動日作既能有也  
 即有所作以作善作惡皆是心作也六地獄  
 因者業是心因也七地獄緣者緣者取藉為  
 緣也如貪愛網業即因緣會合也八地獄果  
 者習果也如地獄人前世多結生地獄中還  
 約多端見可愛境即往觀附如見美女近前  
 抱之即是銅柱名習果也九地獄報者報者  
 果也昔有婦羅今墮地獄受燒炙之苦昔行  
 極罪名為惡火後受其報即受火車鐵床之  
 苦初後相等報應無差名為報果也十本末  
 者地獄本者性德法也地獄末者修德法也  
 究竟等者覽修德即等有性德覽性德即具  
 有修德初後相在故言等也餘九法界亦然  
 雖遊界行相各別都出一心如性相體力  
 作因緣果報本末等十界十如皆從心體而  
 起先因心造作善惡等業因緣後受凡聖苦  
 樂等果報初後是心本末皆等故云本末究  
 竟**虛聲頓息法空之正信旋生**  
 初接蘭若每至中宵庵外常有清聲所名屢  
 呼空禪及至開關又無蹤跡後乃悟云乃是

自心境界兩**猛燄俄消靈潤之真誠立驗**  
 後其聲永絕  
 高僧傳云釋靈潤常與四僧共遊山谷忽遇  
 野火四合三僧逃走其靈潤獨不動乃曰心  
 外無火火是心為火可逃  
 焉能免火言此火至身自歛  
**陞沉表用體具**  
 靈知 註曰此知是一切衆生心體不同虛空  
 云此言知者不是靈知靈知真性不同木石  
 故云知也非如境界分別之識非如照燈了  
 達之智直是真如之性自然常知入不同虛  
 空者靈然覺知覺知即神解義陰陽不測謂  
 之神解即是智智即是知知即一心也故祖  
 師云空寂體上自有本智能知於一切染淨  
 法中有真實之體了然覺目之為心如是  
 無漏無明雜業幻皆同真如性相基為真  
 如隨緣成於一切一切不離真如以理融之  
 唯是一味此是通相相即無相若約別顯染  
 淨施為逆作即是真心不守自性  
 隨緣之用用隨顯不定降一差**惺惺不昧**  
 了了何虧湛爾而無依無住 註曰一切法依  
 依一切法依真 蕭然而非合非離 註曰祖師  
 智真智無所依 與心親父母母非可比汝行與道合諸佛心即  
 是外來有相佛與汝不相似欲識汝本心非  
 合亦**一字寶王演出難思之法海** 註曰心中王  
 非離 經云一句能制誨八萬四千之國邑人一切  
 法中心最為勝真象舍於一字千訓 於一



言如云休境教理行果五唯識中一明唯識  
識捨離心外無境一切境不離心故二教唯  
識成論本教釋彼唯識說故三理唯識成立  
本教所說之理分別唯識性相義故四行唯  
識明五位修唯識行故五果

唯識求大果亦證唯識性故 **羣生慈父訓成**

**莫測之宗師** 註曰淨名經頌云方便以為父  
一切諸聖皆從一心方便門入

得成祖佛為人天之師故華嚴經云以少方  
便疾得菩提以即心是故所以疾證又般若

經云以無所得為方便心外無法豈有得耶  
是以菩薩觀照自心方能入世間幻化之網

自利利他無有斷絕是知十方如來皆悟心  
成佛故華嚴經頌曰若人欲了知三世一切

佛應觀法界性一切唯心造是以經中所說  
西方阿彌陀等諸佛皆是釋迦如古釋云以

理推之結成正義皆我本師海印現且法  
華分身有多淨土如來何不指已淨土而今

別往彌陀妙喜思之故知賢首彌陀等佛皆  
本師矣復何怪哉古賢首者即壽量品中過

百萬阿僧祇到最後應蓮華世界之如來也  
經中得云或見蓮華勝妙刹賢首如來住其

中若此不足歎本師者說他如來在他國土  
為何用耶且如總持教中亦說三十七尊皆

造耶一佛所現謂昆盧遮那如來內心證自  
受用成於五智從四智流出四方四如來謂

大圓鏡智流出東方阿閼如來平等性智流  
出南方寶生如來妙觀察智流出西方無量

壽如來成所作智流出北方不空成就如來  
法界清淨智即自當昆盧遮那如來言三十

七者五方如來各有四大菩薩在於左右復  
成二十胡中方是盧遮那如來四大菩薩者  
一金剛波羅蜜菩薩二寶波羅蜜菩薩三法  
波羅蜜菩薩四羯磨波羅蜜菩薩東方阿閼  
如來四菩薩者一金剛薩埵菩薩二金剛王  
菩薩三金剛受菩薩四金剛善哉菩薩南方  
寶生如來四菩薩者一金剛寶菩薩二金剛  
寶光菩薩三金剛幢菩薩四金剛笑菩薩西  
方無量壽如來亦名觀自在王如來四菩薩  
者一金剛法菩薩二金剛剎菩薩三金剛因  
菩薩四金剛利菩薩北方不空成就如來四  
菩薩者一金剛紫菩薩二金剛法菩薩三金  
剛藥叉菩薩四金剛拳菩薩已具二十五及  
四攝八供養者即燒散燈塗華曼歌舞皆上  
須鈴八供養者即燒散燈塗華曼歌舞皆上  
有金剛下有菩薩然此三十七尊各有種子  
皆是本師智用流出與今經中海印現大  
意同也問若依此義豈不違於平等意趣乎  
等意趣云定即我者依於平等意趣而說非  
即我身如何皆說為本師耶答中平等之定  
乃是一義唯識尚說一切眾生中有屬多佛  
多佛共化以為一佛佛能示現以為多身十  
方如來一一皆爾今正一佛能為多身依此  
而讚本師又本師者即我心耳我攝歸自心  
無法不備 **任性卷舒緣出沒挺一真之元**  
豈止佛耶

**始總萬有之綱骨**

註曰原始該終唯一心道  
大教至理皆同所詮如華  
嚴經云佛子諸菩薩初住地時應善觀察隨  
其所有一切法門隨其所有甚深智慧隨所

卷六

十一

修因隨所得果隨其境界隨其力用隨其示  
現隨其分別隨其所得悉善觀察知一切法  
皆是自心而無所著如是十二因緣之大樹  
知已入菩薩地能善安住

**產自元根** 註曰此十二因緣法皆從衆生心  
中建立云何稱樹若衆生界中即

以無明爲根愛水澆注抽名色芽開有漏華  
結生宛果生住異滅四相常還無有斷絕若  
諸聖界中發正覺芽開萬行華成菩提果盡  
未來除供佛利生無有休息並從一心十二

因緣大樹生起故云十二因緣即是佛性又  
一心十二因緣者如眼見色時心不了名無  
明心於色生愛惡名行是中心意名識色共

識行即名色眼與色等六處生食名六入色  
與眼作對名觸心見色時領納名受心於色  
纏綿不斷名愛心想像色相名取念色心起

名有一念心生名生一念心滅名滅如華嚴  
經云三界所有唯是一心如來於此分別演  
說十二有支皆依一心如是而立又頌云了

達二界依心有十二因緣亦復然生死皆由  
心所作心若**五千教典之圓詮終歸理窟** 註

減者生元盡 諸佛案一切衆生心宜說諸法華嚴經頌云  
諸佛不說法佛於何有說但隨其自心爲說  
如是法如普賢行願珠云指其源也情塵有  
經智海無外妄惑非取重元不空四句之火  
其焚萬法之門皆入真二際而不一動千變  
而非多事理交微而兩七性相融通而無盡  
若茶鏡之互照猶帝珠之相舍重重交光歷  
歷齊現故得圓至功於頃刻見佛境於塵毛

諸佛心內衆生新新作佛 孤標寂寂獨立堂  
衆生心中諸佛念念證真 佛出世表說圓教一心法

**堂若華中之靈瑞** 註曰此華三千年一現當  
佛出世表說圓教一心法

門時難 猶照內之神光 註曰於衆光中神光  
開難通 爲最祖師云衆明之  
中心明 爲上

**截瓊枝而寸寸是實析梅檀而片片**  
皆香 註曰此明法法 尅從凡夫之身便登覺  
是心塵塵合道

**位類在白衣之地直坐龍牀** 註曰若信入華  
嚴一心無盡宗  
迥長者論云如將寶位直授凡庸似夜夢于  
秋覺已隨滅華嚴疏云頓教之人一念不生

即是佛者即一切衆生心本是佛體妄念起  
故爲衆生一念妄心不生何爲不得名佛故  
華嚴經頌云法性本空寂無取亦無見性空  
即是佛不可得思量又頌云法性如虛空諸

佛於中住又能若經云以本性空爲佛眼若  
論性空皆是凡聖之體祇爲不覺忽起妄念  
隨境流轉所以云法身流轉五道號曰衆生

設一念起時亦是佛以妄念無體不出性空  
故但要直下信解圓明不在更思量推度也  
華嚴疏云衆生心中佛爲佛心中衆生說法  
此明衆生稱性普周而佛不壞相在衆生心  
內又佛心稱性普周而衆生不壞相在佛心  
內喻如水乳和同一處而互爲能和所和且  
約世聽解釋以能和爲說所和爲聽且將水  
喻於佛乳喻衆生應言乳中之水和水中之  
乳水中之乳乳中之水隨一味能所宛然

雖能所宛然而互聽而不聞觀之莫見註曰法身相在相遍相攝

無像真常在而莫更推尋本筌而何勞熏鍊

三界之門無體谷裏傳聲註曰首楞嚴經云三界之法捏所成

故是知無體猶如谷響皆是我聲長者論云一切法如谷響以表萬法唯心故華嚴經云一念之間悉包法界又云一念三六塵之境世畢無餘又云一念現於無量相

本空鏡中寫面註曰六塵之境皆從妄念而生如人照鏡自見其面非有

別寂寞虛冲無事不融彌勒閣而普現註曰華嚴

經云善財童子入彌勒閣時見其樓閣廣博無量同於虛空阿僧祇寶以為其地乃至見彌勒菩薩初發心行菩薩道入相成佛三生之事耳

摩耶腹而無窮註曰華嚴經云摩耶夫人腹中悉現三千大千世界一切形像其百億閻浮提內各有都邑各

有園林名號不同皆有摩耶夫人於中止住註曰

天象圍繞為顯現菩薩將生不可思議神變之相又廣大如法界究

文殊寶冠之內註曰文殊

竟若虛空是處胎義註曰

毘楞伽實之所嚴飾有五百種色一一色中日月星辰諸天龍宮世間

淨名方丈之中註曰

衆生所希有事皆於中現註曰

淨名經云東方度三十六恒河沙國有世界名須彌相其佛號須彌燈王今現在彼佛身

長八萬四千由旬其師子座高八萬四千由旬嚴飾第一於是長者維摩詰現神通力即時彼佛遣三萬二千師子座高廣嚴淨來入維摩詰室乃至其室廣博悉包容三萬二千師子座無芥子針鋒而不窄註曰淨名經云所妨礙

芥子針鋒而不窄註曰

納芥子中而不迫窄涅槃經云於針鋒上立無邊身菩薩等

近塵遠刹而全通註曰華嚴經頌云一一微塵中能蓋一切法如是無所礙周行十方國又云於

一微塵中一切國土瞭然安住古德云一切不思議事於一切處悉能普現其唯一是法界之身所以言若能諦觀心不二方見

是法界之身一念起惡法身亦隨現一念起

善法身亦隨現名為處處五現乃至色處現

空處現自在無礙更其速推諸佛唯一念現

心是華嚴疏云猶如海印頓現經云一念現

故謂無前後如印頓成又常現非如明鏡有現不現時又非現現如明鏡對至方現以不

待對是故常現該三際故已上

俱是一真心寂照普現之義耳

塵減塵增綿綿而常凝妙體非成非壞續續而不墜元風

註曰巨古垂今通凡微聖更無異法唯是一心得時不增失時不減時不成墜時不壞

如華嚴論云大方廣佛華嚴經者大者即是心體心體無邊故名大方是心相心具

德相之法故名為方廣是心具心解脫處名之為佛用故名為廣佛是心具心解脫處名之為佛

華是心且心所行行喻之以華嚴是心之功  
 用心能善巧嚴飾目之為嚴經是心教心起  
 名言證顯於此故名為經斯即大等七字並  
 不離心然心之一字非體非用非因非果非  
 義非教雖非一切能為一切何以故謂一法  
 界心是體若能依此悟解念念即是華嚴法  
 界念念即是昆盧法身如華嚴經云若與如  
 是觀行相應於諸法中不生二解一切佛法  
 疾得現前初發心時即成正大業機關金輪  
 覺得阿耨多羅三藐三菩提

**種族** 註曰釋迦佛是金輪王之種一鉢和尚  
 是所以祖代相傳但示即心如頻伽鳥而韻

**壓羣音** 註曰頻伽鳥未出殼時於殼中發聲  
 際底下凡夫未脫煩惱殼便能發心我猶好

**堅樹而高陞眾木** 註曰西天有好堅樹出土  
 便高百尺起過羣木之上

此况圓教之人知心即具法界圓解圓修出  
 過二乘故通別教修行之人若論功程日劫

**倍一賢初起續紛而華影駢空瞥念纒興縱**

**橫而森羅滿目** 註曰首楞嚴經云由汝無始  
 息勞見發塵如勞目睛則有狂華於港精明

無目亂起一切世間山河大地生光涅槃皆  
 即狂勞顛倒華相是知萬法因想而生隨念

而至故瓔珞經云佛言我從本來不得一法

竟定意如今始知所謂無念若得無念者  
 觀一切法悉皆無形因此得成無上正真之  
 道又如起信論云是故三界虛偽唯心所作  
 離心即無六塵境界此義云何以一切法皆  
 從心起妄念而生一切分別即分別自心心  
 不見心無相可得當知世間一切境界皆依  
 衆生無明妄念而得住持是故一切法如鏡  
 中像無體可得唯心虛妄以心生則種種法  
 生心滅則種種法滅故又云一切境界唯心  
 妄動心若不動則一切境相滅唯一真心適  
 一切處是知心外見有境界皆自妄念情想  
 而生故云情生智隔想變體殊情生智隔者  
 失正智而成妄想想變體殊者迷真如以  
 成名相故還源觀云真空滯於心首恒為緣  
 慮之場實際居在日前劫成名相之境唯識  
 樞要云起自心相有二一者影像相萬法凡  
 心之影像二者所執相諸境無體道絕浮言  
 隨執而生固自心生還與心為相

**至妙難論出生死而無別路登涅槃而唯一**

**門** 註曰華嚴經云一切無礙人一道出生死  
 二教惟宗一心法而求出離是以既了一心  
 而出亦不住生先涅槃謂大悲故常處生死  
 謂大智故常處涅槃是俱住義二大悲故不  
 住涅槃大智故不住生死即二俱不住又一  
 明俱不住者有二義故不住生死一見生死  
 過患故不可住二由見生死本空故無可住  
 上二皆約智故不住有二義故不住涅槃一  
 見涅槃本自有故不住二由不異生死故不

十六

十四



可須臾而即俗歸真莫備茲旨頃刻而從凡

入聖難報斯恩

註曰釋宗門下從上已來但了即心是佛便入祖位即坐

道場但信之凡聖不隔一念若不信天地懸

殊如經頌云諸佛從心得解脫心者清淨名

無垢五道鮮潔不受染有解此者成大道直

能未信自心是佛雖論五道心性常淨染不

諸佛法身不增不減雖隨流返流其性不改

是以隨流作東生時不滅返流成佛時不增

以一切眾生皆深障重故遇善友開發亦不

信受唯逐情生不見自性故先德云

妄情牽引何年了事負靈靈一點光

推罕逾深理吞蛇得病而皆是疑生

傳廣有親客久隔關不復來廣問其故茶日

前在座蒙賜酒見孟中有蛇意苦惡之既飲

而疾于時河南廳若壁上有角弓上畫作蛇

廣意孟中蛇即角影也復置酒前莫客見如

初豁然意解懸砂止饑而悉從思起

沉痾頻愈懸砂止饑而悉從思起

食章云思食者如饑饉之歲小兒從母求食

啼而不可遂慈母發怒云此是飯兒七日

其兒見是砂絕望因此心終方驗生老病死

食生魚時寒祥乃解衣冰上水忽酒變河中

非翹葉之所成豈功力之能恃

心及平等無纖塵而不因識變道理昭然

此八識心有四分一見分二相分三自證分

四證自證分華嚴記云如與經說一切唯有

覺所覺義皆無能覺所覺分各自自然而轉釋

日此即華嚴經上半明無外境下半明有見

相二分各各自從因緣所生名自然而轉下

結正義論云違無難識所緣境者則所變相

分是所緣見分名自行相相見所依自體名

事即自證分釋曰此中雖是立二分家義已

有三故次論云若無自證分此者應不自憶

心所法如不曾更境必不能憶故釋曰此明

有自證分意云相離於見無別自體但二功

能故應別有一所依體若無自證應不自憶

心所法如不曾更境必不能憶謂如見分

不更相分之境則不能憶要會更之方能憶

之若無自證已滅心所則不能憶以會不為

自證緣故則如見分不會更憶今能憶之明

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

注曰李廣少失父

量果是自證分自證分與相見為所依故論  
 如集量論伽陀中說似境相所量能取相自  
 證即能量及果此三體無別釋曰所量如絹  
 能量如人量果如解教智果是何義成滿因  
 義言無別體者唯一識故則離心無境六立  
 四分論云又心所若細分則應有四分見  
 分相分自證分如前第四證自證分若無此  
 者誰證第三心分別既同應皆證故釋曰見  
 分是心分說有自證分自證分應無有果諸  
 能量者皆有果故釋曰見分是能量須有自  
 證量見分說有第四果恐彼故云却用見分  
 為第三果故次論云不應見分是第三果見  
 分或則非量稱故因此見分不證第三證自  
 體者必現量故釋曰愈明見分通於三量二  
 量者謂現量比量非量即明見緣相時或量  
 非量不可非量法為現量果或見緣相是於  
 比量及緣自證復是現量故自證是心體得  
 與比量非量而為果見分非心體不得與自  
 證而為其量果故不得見分證於第三證自  
 證者必現量故第二四分既是現量故得相  
 證無窮過矣意云若以見分為能量但用三  
 分亦得足矣若以見分為所量必須第四為  
 量果若通作喻者絹如所量尺如能量第四為  
 量果量自證分若人為所使智為能仗何物  
 用智即是於人如證自證分人能智何物  
 使人故能更證亦如明鏡鏡像為相分鏡明  
 為見分鏡面如自證分鏡背如證自證分面  
 依於背背復依面故得主證亦可以銅為證  
 自證分鏡依於鏡面非一種而罔賴心成言思絕  
 銅銅依於鏡

矣 註曰心識變者如雲展經須云汝等諸佛  
 或共三十二佛相及輪王或為種種形世間  
 皆悉見學如淨空月眾星所環遠諸識阿賴  
 耶如是身中住臂如欲天主侍射遊寶官江  
 海等諸神水中而自在藏識處於世當知亦  
 復然如地生眾物是心多所見譬如日天子  
 赫奕乘寶宮旋遊須彌山周流照天下諸天  
 世人爭見之而禮敬藏識佛地中其相亦如  
 是十地行來行顯發大乘法普與眾生樂常  
 讚於如來在於菩薩身是即名菩薩佛與諸  
 菩薩皆走類耶名佛及諸佛子已受當受記  
 廣大阿賴耶而成於正覺容嚴諸定者與妙  
 定相應能於阿賴耶明了而觀見佛及諸文  
 佛聲聞諸異道見理無性人所觀皆此識種  
 種種識境皆從心所變瓶衣等眾物如是性  
 皆無悉依阿賴耶眾生迷惑見以諸習氣故  
 所取能取轉此性非如幻陽燄及毛輪非生  
 非不生非空亦非有譬如長短等輪一即皆  
 無若者觀幻事此皆唯幻形未曾有一物與  
 幻而用起幻緣平輪等在在諸物相此皆心  
 變異無體亦無名世中迷惑人其心不自在  
 妄說有能幻幻成種種名去來皆非實如紙  
 因磁石所向而轉種種名去來皆非實如紙  
 轉一切諸世間無處不用過如日摩尼寶無  
 思及分別此識通諸處見之如流轉不亦  
 不生本非流轉法定者勤觀察生起猶如夢  
 是時即轉依說名為解脫此即是諸佛最上  
 之教理審量一切法如秤如明鏡若以此一  
 心為一切法之定量者如秤稱物斤兩無差  
 如秤稱物斤兩無差

第一四一冊 永明心賦註 一五二五九三

四七七 龍藏

卷六

十七

似鏡照像妍醜皆現又心成者古釋一心有四一純利陀耶此云肉團心中五藏心也如黃庭經所明二級慮心此是八識俱能緣慮自分境故色是眼識境根身種子器世界阿賴耶藏之境各緣一分故云自分三寶多耶此云集起心唯第八識積聚種子生起現行回乾栗陀耶此云堅實心亦云貞實心此是其心也故祖佛法中皆以心為印措定萬法故若能決定信入請各執杖動靜之境皆難此別無奇特故云言思絕矣

我緣持如雲駛而月運似舟行而岸移

註曰

經云佛言善男子一切世界始終生滅前後有無聚散起止念念相續猶環往復種種取舍皆是輪迴未出輪迴而辨圓覺彼圓覺性即同沈溺若免輪迴無有是處譬如動目能搖湛水又如定眼猶轉火雲駛而月運舟行岸移亦復如是善男子諸技未息彼物先住尚不可得何況輪轉生處垢心會未清淨觀佛圓覺而不旋復譬如動目能搖湛水者古釋云以眼勞觀水見水有動眼若不瞬池水則不搖妄見者除亦無草木成壞之相若舉眼見色由有色陰舉身受苦樂由有受陰舉心即亂由有想陰舉眼見生滅由有行陰精明湛不攝處即滅陰又若以過身針刺俱知不帶分別則是滅陰若次第分別則餘識陰妙知一念纒起五陰俱生微滅未亡六塵不滅若唯識之義燈常照妄何由生一心之智鏡恒明旨終不昧又如定眼猶轉火者如定目看炭火輪之時眼亦迴轉前因眼動而

水動即是因心動而境動後因火動而眼動即是因境動而心動故知心即是境境即是心能所雖分一體常現故華嚴疏云往復無際動靜一源雲駛月運舟行岸移若亦復如是故知真心不動妄念成差如起信論云復次顯示從生滅門即入真如門所謂推求五陰色之與心六塵境界畢竟無念以心無形相十方求之終不可得如人迷故謂東為西方實不轉衆生亦爾無明迷故謂心為念心實不動若能觀察知心無念即得隨順入真

如門 魚母憶而魚子長

註曰如魚散于魚母

魚母若憶子即生長如獨影境過去等諸法心若不緣境不現前一切諸法皆是心緣識變若無心 蜂王起而蜂衆隨 註曰大智度論中唯一寂滅三昧門攝無量三昧如牽衣一角舉衣皆得亦如得蜜蜂王餘蜂盡攝心王若起從心所有善惡等法悉 印前後而無差若隨起况如玉出百司盡隨

諸賢共仰措初終而不謬于聖同推 註曰如其文頓現無前後際又印定天下如佛法中若無心印不成佛法是知前亦是心後亦是心古亦是心今亦是心故云非古盛而今衰匪愚亡而智現又云萬法不出一心矣華嚴經頌云衆生心行無有量能令平等入一心以智慧門悉開悟於所修行不退轉又云如

皆了悟而亦不捨菩提行又云諸佛隨宜所

作紫無量無邊等法界智者能以一方便一切了知無不盡

生皆從此建快馬見鞭而驚子先

同佛不開有語不問無言時如何佛然然而

禮拜而出後阿難問佛外道得何道

知者舍利弗亦名鷲子於法華會上初周法說最先領解前得授記

而龍女親獻

最初善財童子得入法華會上龍女獻珠此

乘心宗是乘是如淨名經云於念知一切法

是道場成就一切智故又處胎經云釋梵女

如大海不說有是非凡惡聖人平等無高

下唯在心垢滅

取證如過掌

舉念而苦樂隨生悉諧初願

有分進身受報未曾遺失不唯人間報應隨

心一切出世功德皆在初心圓滿如華嚴法

義起云初發心時得如來一身無量身則法

身開顯得究竟智慧得一切智慧光明則法

若開顯以心離妄取寂照流故解脫開顯

故此心中無德不攝因該果海並在初心後

初發心時便成正覺即梵行品又言初後圓

融者以初是印後之初後是即初之後以緣

是以朕迹繞

註曰經

云外道

而稱

香象迴旋

利於

四眾

悟大

性

無高

因

前

因

因

因

因

因

因

因

因

因

起法離初無後離後無初故舉初攝後若約

法性融通一切因果不離心性契同心性無

德不收以一切法隨所依住皆於初心頓圓

相應於諸法中不生二解一切佛法疾得現

前初發心時即得阿耨多羅三藐三菩提知

一切法即心自性成就慧身不由他悟十善

業道經云爾時世尊告龍王言一切眾生心

想異故造業亦異由是故有諸起輪轉龍王

汝見此會及大海中形色種類各別不耶如

是一切塵不由心造乃至又觀此諸大菩薩

妙色嚴淨一切皆由修集善業福德而生又

諸天龍八部眾等大成勢者亦因善業福德

所生今大海中所有眾生形色羸鄙或大或

小皆由自心種種想念作身語意諸不善業

是故隨業各自受報是知境隨業轉轉是故

說唯心不淨之財變為膿血非分之寶化作

毒蛇如昔有婿婿捨錢造普光王寺主者不

受遂令埋於寺東北上邇後尋掘悉變為血

近亦有屠羊之人聚錢於竹筒之內死後母

開之亦成赤血如古德云眾生世界海依住

形相苦樂淨穢皆是眾生自業果報之所莊

龍藏



錄隨善惡現行之心感豐儉等法之境如前  
 定錄云韓晉公在中書因召一吏不時而至  
 公怒將徒之吏曰某有所屬不得遽至乞宥  
 其罪晉公曰宰相之吏更屬何人吏曰某不  
 幸兼管陰司晉公以為不誠怒曰既屬陰司  
 有何所歸吏曰某主三品已上食料晉公曰  
 若然某明日當以何食吏曰此非細事不可  
 顯之請疏於慈過後為驗乃如之而繫其吏  
 明旦適有詔命既對適遇大官進食有繼糜  
 一器上以一半賜晉公食之美又以賜之既  
 而腹脹歸私第名醫者視之曰食物所積宜  
 服少橋皮湯至夜可啗漿水粥明日愈思前  
 夕吏言召之視其書則皆如其說公因復問  
 人問之食皆有籍也答曰三品已上日支五  
 品已上而有權位者日支凡六品者日支其  
 有不食樣者或支又云京兆府趙郡李敏求  
 應進士入就禮部試不利太和元年秋敏求  
 宣乎里日晚擁膝愁坐忽如沉醉俄而精爽  
 去身約行六七十里至一城門之外有數百  
 千人忽有一人出拜之敏求曰何人也答曰  
 某李岸也敏求曰汝前年隨吾旅遊卒於涇  
 州何得在此對曰某自離二十二即後事柳  
 十八即職甚雅感二十二即既至此亦須一  
 見遂於稠人中引人進見入門兩廊多有衣  
 冠或有愁立者或白衣者或簡板者或有將  
 通狀者其服率多紫或綠或色既至廳柳揖  
 坐與之言曰公何為到此得非為他物所誘  
 乎某力及公宜速去非人駐之所也敏求具  
 如此答柳命吏送出一食一宿無不前定所不欲  
 柳曰人生在世一食一宿無不前定所不欲

人知慮君子不進德修業小人情於慶耳君  
 固欲見亦不難聞乃命一吏引敏求至東院  
 約有屋一百餘間從地至屋皆架滿文簿蓋  
 帖一可觀更取一卷出三行第一行云太  
 和二年罷舉第二行云其年得伊宰宅錢二  
 十萬其第三行云受官於張平子餘不復見  
 敏求既醒具書於樞帙之間明年客遊西京  
 過時不赴舉明年遂取李氏事氏之外祖伊  
 宰將鬻別第召敏求而售之敏求因辭所親  
 得價錢二百萬伊宰乃以二十萬贖敏求既  
 而當用之券頭以四萬為賞時敏求共萬年  
 尉戶曹善自請之九十君用所資伊亦脫焉  
 累為二十四萬明年以監調授河北縣有美  
 誤平子基時說者失其姓名以俟知者

**惡無體因念所持** 註曰一切萬法因第八識  
 之所起 聲響冥合形影相隨 註曰心直事  
 意識分別 實報虛報絲毫匪激晷刻不移既自心口所  
 一法但隨心開合更無別肯或正殺悞殺  
 馬還自心口所受如自鏡錄云昔月氏國城  
 西有大山是難越辟支佛住處去此不遠有  
 人夫牛尋到此山值此辟支燃火染衣宿業  
 力故當於爾時鉢變為牛頭法衣變為牛皮  
 染汁變為血染淨變為肉染變為骨其迹既  
 爾遂為牛主執入獄中弟子推覓莫知所在  
 從是茲再經十二年後遇因緣知在獄中使  
 向王說我師在獄領王放赦王問獄典有僧  
 否典曰無僧白王願喚獄中沙門者出我師  
 自出獄典尋喚辟支佛即出此辟支佛在獄

第六

二十

既久髮長永壞沙門形滅諸弟子等禮而問  
 日師何在此師於爾時答以上事弟子復問  
 宿世造何因今令致此師答曰我於昔時誘  
 他人偷牛致使如此耳故經云假使百千劫  
 所作業不忘因緣會 **本性希奇莫可思議似**  
**服伽陀之藥如餐真乳之糜** 註曰經云阿伽  
 能治一切病又經云如食乳糜更無 **同如意**  
 所須況了心之人一切悉皆具足  
**樹雨無盡之寶** 註曰此如意樹隨一切眾生  
 隨念出生萬 **類水清珠澄衆濁之池** 註曰大  
 法無有窮盡 **陞第一義天正會大仙**  
 能破一切塵勞境界  
**之日登普光明殿當朝法界之時** 註曰教中  
 天故號佛為天中天又號佛為大仙普光明  
 殿者華嚴經中佛登普光明殿說華嚴經華  
 嚴經以法界為宗如法華經云以禪定智慧  
 力得法國土王於三界又普光明智者若說  
 等覺說妙覺是約位普光明智不屬因果該  
 通因果其由自覺聖智起純因果故七卷楞  
 伽妙覺位外更立自覺聖智之位亦猶佛性  
 有因有果有因有果以因取之是因佛  
 性以果取之是果佛性然則佛性非因非果  
 普光明智亦復如是體絕因果為因果依果  
 方究竟故云如 **真真寂照含虛吐耀** 註曰登  
 來普光明智

道在乎妙悟妙悟在乎即真即真則有無齊  
 觀有無齊觀則彼已莫二所以天地與我同  
 根萬物與我一體同我則非復有無異我則  
 至於會通所以不出不在而道存乎其中又  
 云至人虛心冥照理無不統懷六合於胸中  
 而靈鑒有餘鏡萬有於方寸而其神常虛  
**罔象兮獲明珠** 註曰黃帝於赤水求元珠有  
 不得乃罔象而得之罔象即無心也故弄珠  
 吟云罔象無心却得珠能見能聞是虛偽  
**希夷兮宗法要** 註曰眼不見謂之希耳不聞  
 心無形非見聞 **恩覆羣生而無得不作不為**  
 覺知之所能解 註曰摩訶云夫聖人功高二儀而不仁明踰  
 日月而彌昏註云是以聖人不仁以百姓為  
 芻蕘天地不仁以萬物為芻蕘芻蕘者無味  
 守之功也不仁者施恩不望報彌昏者照而  
 無照也即 **光含萬象而絕思忘知忘照** 註曰  
 無心矣  
 集云若以知知寂此非無緣知如手執如意  
 非無如意手若以自知知亦非無緣知如手  
 自作拳非是不拳手亦不知知寂亦不自知  
 知不可為無知以性了然故不同於木石如  
 手不執物亦不自作拳不可為無手以手安  
 然故不同於兔角斯為禪宗之妙故今用之  
 而復小異以彼但顯無緣真智以為真道若  
 奪之者但顯本心不隨妄心未有智慧照了  
 心原故云直須能所平等不照為無知  
 之知此知知於空寂無生如來藏性方為妙

耳如是則塵成佛國念契圓音

註曰心要佛云心心作佛

無一心而非佛心處處道成無一塵而非佛

國入唯心訣云巖樹庭莎各擬無遺之妙相

像吟鳥噪皆談不二之圓音又佛以一音演

說法衆生隨類各得解猶如滿月唯一圓形

隨器差別而現多影謂多即是一若多不即

一則非一音一後即多若一不即多即非圓

音但顯金色之世界

註曰華嚴經云一切處

來金色者即一切衆生日心白淨之色文殊

者即信自心無依住性妙慧解脫是自文殊

若人若法皆是日心所表之法如法華經云

入如來室者即衆生大慈悲心是豈可入於

以莊莊輕千乘之國而重中叔一言范獻

萬畝之田以貴舟八片說此乃成家立國尚

輕珍重言說稱揚心地法門諸佛秘密

言下契無生國之成大道寧容輕慢乎

樵客之金

註曰如探煉人負薪而歸路遠黃

歸真不依權漸不了義效直入一心實教之

門則所學功程日劫相倍如孤寂吟云不迷

須有不迷心者時淺成月時深此箇真珠若

珠舍光未示人了則毛端吞巨海始知大地

一微塵一滴一塵並舉喻一心包含廣大矣

此

此

此

此

此

此

此

此

此

此

此

寶

註曰任商人採寶設獲瓏珠皆是世珍徒

勞功不上深源之下無所不入商人通賈倍

無所不上深源之下無所不入商人通賈倍

道兼行夜以續日千里不遠利在前也漁人

入海海水百仞衝波逆流宿夜不出利在水

也此乃世間勤苦求利之耳如或堅求志道

曉夕忘疲不向外求虛標澄慮密室靜坐端

拱寧神利在心也如利之所在求無不獲况

道之在心信無不得矣故知訓格之言不得

警捨可以鑲於骨骨於紳染於神熏於識所

空寂法門六根自在是入無礙法門一念不

生是人無相法門又此中肯趣若相資則唯

廣唯大演之無際若相奪則唯微唯細究之

無蹤斯乃離有無而不壞有無擇一異而非

一異則四邊之火莫能燒百非之垢焉能染

但隨跡顯現如空谷響故大涅槃經云譬如

一人多有所能若其走時則名走者若收刈

時復名刈者若其飲食名作食者若治村木

則名工匠銀金銀時言金銀師如是一人有

多名字法亦如是其實是一而有多名故知

耶六 三五

約用分多體恒實一盛山遠大師云唯一知  
 心隨用分多非全外別有諸數譬如一金  
 作種種器非是 **歇異忻同而情自隔** 註曰摩  
 金外別有器體 **論云** 厥異捨別唯 **一真如** 譬如有人遊影長  
 空終不得離任九十六種外道常合圓宗縱  
 八萬四千塵勞恒當 **捨此取彼而理恒任** 註  
 正位以各不離心故 **捨此取彼而理恒任** 註  
 任背覺合塵遺心取境且一心真如之理未  
 嘗移易如彈摩訶衍論云一心真如體大通  
 於五人平等平等無差別故云何名為五種  
 假人一者凡夫二者聲聞三者緣覺四者菩  
 薩五者如來是名為五如是五人名自是五  
 真自唯一所以者何真如自體無有增減亦  
 無大小亦無有無亦無中邊亦無去來從本  
 已來一自成一同自作同厥與捨別唯一真  
 如是故諸法真如一相三殊契理中作如是  
 說譬如金剛作五起像五人平等亦復如是  
 於諸人中無有增減故起信云心真如者即  
 是一法界大總相法門體所謂心性不生不  
 滅相一切諸法皆由妄念而有差別 **繩上生**  
**若離妄念別無一切境界差別之相** **繩上生**  
**蛇而驚悸** 註曰論頌云白日看繩繩是麻夜  
 豈堪繩上更生蛇此况迷心作境之人如繩  
 上生蛇若麻上生繩是依他起性若繩上生  
 蛇是遍計所執性無名無體情有理無例 **杌**  
**觀萬境亦復如是悉落周遊計度之心** **杌**  
**中見鬼而沉吟** 註曰如夜看杌疑為是鬼雖  
 無真實而起怖心亦如夢中

所見以萬法體虛成事此亦喻迷心作境自  
 起怖心若了一心無境作對自然忻厭不生  
**癡猿捉月而費力渴鹿逐燄而虛尋** 註曰並  
 取法無有得理故證道歌云不離當處常湛  
 然覓即知君不可見齊巖齋云察察精勤徒  
 與夢慮違違外 **飲狂藥而情隨轉日食蕩蕩**  
**而眼布華針** 註曰大涅槃經云如人醉時見  
 生又眼云如人眼淚蕩子眼見 **皆自想生蕩**  
**針華並况不迷一心妄生境界** **皆自想生蕩**  
**品而始終常寂盡因念起一真而境界恒深**  
 註曰經云一切國土皆想持之若無想即無  
 法又一切境界隨念而至若無念諸境不生  
 如遠源觀云攝境歸心真空觀者謂三界所  
 有法唯是一心心外更無一法可得故曰歸  
 心謂一切分別但由自心曾無心外境能與  
 心為緣何以故由心不起外境本空論云由  
 依唯識故境本無體真空義成 **法內規模人**  
**故以塵無有故本識即不生** **法內規模人**  
**間軌則** 註曰此一心法門可謂盡善盡美何  
 不能書其過降茲已下皆隨形名則難逃致  
 讚矣如昔人云夫大道混然無形寂寂無聲  
 視之不見聽之不聞非可以影響知不得以  
 毀譽稱也降此以往財事不毀美名不並盛  
 矣雖天地之大三光之明聖賢之智猶未免  
 於毀譽也故天有折之象地有裂之形日月



有請他之變五星有動靜之故竟有不慈之  
 辨舜有請父之誇湯主有故君之稱武王有  
 武王之讚舜極有貪福之目晉文有不臣之  
 聲伊尹有誣君之迹管仲有替上之名以夫  
 二儀七曜之靈不能無虧頭竟舜湯武之聖  
 也不能免嫌誇趙文伊管之賢也不能遺纖  
 過由此觀之宇宙廣流真能得免怨謗而無  
 悔恨也若以心智通靈成無為之化則萬景  
 不能干矣又真俗二障並從心起第八識心  
 是持種依真如心是迷悟依如華嚴記云依  
 生滅八識辨二所由顯法相但是心境依持  
 而即如來藏辨其二所以於中先總後以會  
 緣入實下別示二相即一以起信真如生滅二  
 門為二義耳存壞不二唯一緣起結歸華嚴  
 會緣入實言二門無礙唯是一心者結歸起  
 信依一心法立二種門故須具足二義方名  
 具分唯識問唯識第九亦說其所轉依有其  
 二種一持種依謂第八識二迷悟依謂即其  
 如何以說言然依生滅八識唯有心境依持  
 答彼雖說迷悟依非即心境依持以真如不  
 變不隨於心變萬境故但是所迷耳後還淨  
 時非是攝相即真如故但是所悟耳今乃心  
 境依持即是真妄非有二體故說一約義不  
 同分成兩義說二門別義論云然此二門皆  
 各總攝一切法以願無不從信無不覓見萬  
 像於掌中收十方於座側

我者眼是我能見今全為色正見之時即非  
 我也非我離於情想無緣純於食求收萬像  
 於目前全十方於眼際是以無義無盡隨見  
 見而不窮物性巨思慮法法而難准法普即  
 眼普義通乃見通體之自隱隱照之遠重重  
 然後窮十方於眼際鏡空有而映明收萬像  
 以成身顯事 感現而唯徇吾心美惡而感歸  
 理而通微 我識 註曰此明具分唯識者以不生滅與生  
 分以具有生滅不生滅故不生滅即如來藏  
 印通真心也若不全依真心事不依理故唯  
 約生滅便非具分有云影外有質為半頭唯  
 識質影俱影為具分者此乃唯識宗中之具  
 分耳又三界唯心萬法唯識唯心法總有四  
 義一理事唯識分別見聞覺知二是法論體  
 唯是生滅法數此二義論俗故有約真故無  
 三是理窮之空寂四是實論其本性唯是真  
 實如來藏法又如速起大東方便經云佛言  
 一實境界者謂眾生心體從本已來不生不  
 滅乃至一切眾生心一切一乘心一切菩薩  
 心一切諸佛心皆同不生不滅真如相故乃  
 至盡於十方虛空一切世界求心形狀無一  
 臣分而可得者但以眾生無明翳闇習因  
 緣現妄境界令生念著所謂此心不能自知  
 妄自謂有起覺知想計我我所而實無有覺  
 知之相以此妄心畢竟無體不可見故若無  
 覺知能分別者則無十方三世一切境界差  
 別之相以一切法皆不能自有恒依妄心分  
 別故有所謂一切境界各各不自念為有知

此為自知彼為他是一故一切法不能自有則  
 無別異唯依妄心不了不知內自無故為有  
 前外所知境界妄生種種法想謂有謂無謂  
 好謂惡謂是謂非謂得謂失乃至生於無量  
 無邊法想當如是知一切諸法皆從妄心生  
 依妄心為本然此妄心無自相故亦依境界  
 而有所謂緣念覺知前境界故說名為心又  
 此妄心與前境界雖俱相依起無前後而此  
 妄心能為一切境界原主所以者何謂依妄  
 心不了法界一相故說心有無明緣無明力  
 因故現妄境界亦依無明滅故一切境界滅  
 非依一切境界自不了故說境界有無明亦  
 非依境界故生於無明以一切諸佛於一切  
 境界不生無明故又復不依境界滅故無明  
 心滅以一切境界從本已來體性自滅未曾  
 有故因如此義是故但說一切諸法依心為  
 本當知一切諸法悉名為心以義體不異為  
 心所攝故又一切諸法從心所起與心作相  
 和合而有共生共滅同無有住以一切境界  
 但隨心所緣念念相續故而得任持暫時而  
 有**手出金毛師子皆籍善根城變七寶華池**  
**盡承慈力** 註曰大涅槃經云阿闍世王欲害  
 示之即於五指指出五師子是象見已投地敬  
 禮佛言我於爾時于五指頭實無師子乃是  
 修慈善根力故令彼見如斯事又云南天竺  
 國有一大城名首波羅城中有一長者名曰  
 盧至為眾導首佛欲至彼城邑化度彼人彼  
 眾尼乾聞佛欲至遂破壞林泉聖開城壁各

第一四一冊 永明心賦註

一五二五九三

嚴器杖防護固守設彼來者莫令得前佛言  
 我於爾時至彼城邑不見一切樹木叢林唯  
 見諸人莊嚴器仗當壁自守見是事已導生  
 憐愍慈心向之所有樹木運生如本河池泉  
 井清淨盈滿如清淨池生泉雜華變其城壁  
 為紺瑠璃我於爾時實不化作種種樹木清  
 淨華池當知皆是慈善根力能令彼見如是  
 事故知凡有一切苦樂境界仗佛力為增上  
 緣但是自心感現例見目前實境悉  
 是想生心外實無一法但從誠變耳 **卷舒不**  
**定隱顯千端或闕爾無跡或爛然可觀處繁**  
**而不亂履險而常安** 註曰心境諸法互奪互  
 入則性相俱存爛然可見若手奪牙則則理  
 事俱空開爾無跡以萬法從心隨緣建立以  
 無性從緣故有以從緣無性故空如寶印重  
 元序云蓋大千之經卷不出情塵布極淨之  
 身雲常居穢土會寂滅於因緣之際得圓常  
 於生苑之輪理事雙現而兩亡性相共成而  
 手奪一真湛爾而非寂為化紛然而匪繁煩  
 虛諸相而不空逾典多事而非有不得一法  
 而容傳心要不演一字而但轉圓音一體通  
 多猶明月而影分千水多身入一若明鏡而  
 光寫 **醍醐之海泓深橫吞眾派法性之山挺**  
**出高落羣巒** 註曰法華經云譬如一切川流  
 江河諸水之中海為第一此法  
 華經亦復如是於諸如來所說經中最高為深  
 大又云及十寶山眾山之中須彌山為第一  
 二六

四八五

龍藏

此法華經亦復如是於諸經中最高為其上此  
經是醍醐之教為第一心宗故經云十方諸  
國土唯有 **理體融通芳名震烈瞻時而別相**  
一乘法

**難窮入處而一門深徹**

註曰若以華和觀隨  
差別而述首若以一

心照隨平等而歸根所以首楞嚴經云但於  
一門深入則大知根一時清淨又云八一無  
妄李氏者論云一入全美如新登和尚悟道  
頌云向無事物上來通統為從前不悟宗如  
今悟了渾無事方 **服善見王之藥餌眾病咸**  
知萬法本來空

**消秦師子筋之琴絃羣音頓絕**

註曰善見王  
無能治眾病

心之妙藥亦復如是能治諸法故傷云一丸  
療萬病不假藥方多又云以師子筋為琴絃  
其音一奏羣音斷絕 **爾乃明逾皎日德越太**  
况說一心能收萬法 **清隨機起用順物無生**  
註曰問初心學人悟  
入此宗信解圓通有

何勝力答若正解圓明決定信入有超劫之  
功獲頓成之力雖在生死常入涅槃恒處塵  
勞長居淨刹現具肉眼而開慧眼之光明匪  
易凡心便同佛心之知見則煩惱塵勞不待  
斷而自滅菩提妙果弗俟修而自圓乃至等  
冤親和諍論舜凡聖混自他一去來印同異  
融延促混中危世出世間不可稱不可量不  
可說不可說之力莫能過者亦名佛力亦名  
般若力亦名大乘法亦名過者亦名佛力亦名  
所以先德釋云無住力持者則大劫不離一

念又云色平等是佛力色既平等則唯心美  
成故知觀心之門理無過者最尊最貴絕妙  
絕倫利那成佛之功頌哉苦輪之力大涅槃  
經云譬如藥樹名曰藥王於諸藥中最為殊  
勝能滅諸病樹不作念若取枝葉及皮身等  
雖不作念能愈諸病濕熱亦爾是以若於一  
心有圓信圓修乃至見聞隨喜一念發心者  
無不除八萬塵勞三障二死之病大品經云  
如摩尼珠所在住處一切非人不得其便以  
珠著身聞中得明熱時得涼寒時得溫若在  
水中隨物現色即况識此自心如摩尼珠圓  
信堅固一切時處不為無明塵勞非人之所  
侵害則處繁不亂履險恒 **非異非同盈剎而**  
安高而不危滿而不溢

**坦然平現不大不小適空而法爾圓成**

註曰

心法是大真理不假有緣生亦非無緣主以  
法體故為萬法之性遍一切處隨人所感應  
現無盡異而非異同而非同大而非凡大小而  
非小如華嚴經頌云一一微塵中能證一切  
法一切眾生心昔在三世中 **神靈之臺秘密**  
如來於一念一切悉明達 **之府**  
註曰此一心法是神解之性能通靈通  
**秘府** **病遇良醫民逢聖主**  
註曰法華經云  
如商人得主如  
子得母如渡得船如病得醫如暗得燈如貧  
得寶如民得王如賈客得海此况人間所遇  
若於佛法中直了心人可以永脫塵勞長居  
聖地治煩惱之重病成無上之法王校量得

夫天地以本攝末，駕智海之津梁。註曰：一心懸殊矣。以本攝末，駕智海之津梁。註曰：一心為末，欲渡生苑海。舉一蔽諸，闢元關之規矩。註曰：應以心智而度之。凡聖境界，攝生化門，六度萬行，無不具足。如遠源觀云：從一心體出生，二用三過，四德五止，六觀一體者，即自性清淨圓明體，即通為十定之體。言二用者，一海印森羅常住，用即海印三昧；二法界圓明自在，用即華嚴三昧。言三過者，一者一塵普周法界，過二一塵出生無盡，過三一塵含容空有，過此三並是因陀羅網三昧，門言四德者，一隨緣妙用無方，德二威儀任持，有則德三柔和質直，攝生德四普代眾生受苦，德言五止者，一照法清虛，離緣止二觀人寂泊，絕欲止三性起繁興，法爾止四定光顯現，無念止五事理元通，非相止言六觀者，一攝境歸心，真空觀二從心現境，妙有觀三心境秘密，融觀四智身影現，眾緣觀五多身入一鏡，像觀六主伴互現，帝網觀上之止觀，並是匡時龜鏡，為物權衡。註曰：寂用無涯三昧門也。匡時龜鏡，為物權衡。註曰：此一心法能考古推今，窮凡達聖，如秤知輕重，似鏡鑒妍媸，但了一心，無不知諸法根源。巨細相奪，則境智互泯，相資則彼我俱生。註曰：以境奪智，則智泯；以智奪境，則境亡。無明樹以彼資我，則我立；以我資彼，則彼生。註曰：上而覺華，頓發八苦海內，而一味恒清。註曰：經云

煩惱大海中，存圓滿如來，宣說實相常住之理。本覺實性中，有無明眾生，起無量無邊煩惱。之波論云：唯真不立，畢竟不成，真妄相成，方能建立。如水因風而起，波風水不相捨離。故全體現前，豈用更思於妙悟本來具足何須苦待於功成。註曰：諸佛將眾生心為佛，眾主將佛心為眾生，一體無差。但隔迷悟，以即心是佛，故雖分三身之異，終無別體。故云法身相好一際無差，又古德云：新佛舊成，曾無二體。以報身說法，身如出模之像，像本舊成，故無二體。新成舊佛法報似分以法身就報身，如金成像，金像似分以有未成像，金故今成像，竟似分於二諸佛。如已成像之金，眾生如未成像之金，成與未成，成似分前後，則金體始終更無別異。顯異標奇，精明究竟，如舒杲日之光，似布勾芒之令。註曰：此一心法，如日照天下，無法而不明。猶春遍寰中，無物而不發。三毒四倒，而非凡八解六通，而非聖。註曰：在凡非凡，是自心故，終無別理。寶藏論云：至寶居懷，今於實際中，無毫釐凡聖可得。至寶居懷，今終不他求，靈珠在握，今應須自慶。註曰：筆論云：聖遠乎哉，體之即神，何者為眾生自心，皆是般若。若能體悟至理，即心是佛。即今日靈覺之真性，即是般若。若聖智也，此明真智，斯乃悟理之聖非神通果證也。又所云般若聖智者，若正智。註曰：經云

即觀照般若若如即實相般若若此正智如如  
 即是圓成實性圓成實性即是如來藏心如  
 來藏心即是眾生靈覺之性眾 **愍同體今起**  
**無緣** 註曰菩薩觀一切眾生同一體性愍彼  
 不達而行大悲無緣者即無緣慈如石  
 吸鐵任運吸取一 **溢法財今資慧命** 註曰法  
 切眾生而無度想 **溢法財今資慧命** 財者有  
 七一聞二信三戒四定五進六捨七漸愧慧  
 命者即自心無盡真如之性此七種法財乃  
 至恒沙智德皆是心所有 **履得一之旨豁爾**  
**消疑** 註曰天得一以清地得一以寧人得一  
 而道成經云若得一真心何理而不圓何事  
 而不畢也如古德問云斤言心性是一者何  
 得眾生界見有種種答以真如心性是一體  
 緣生滅而成種種又第八識正是所熏心體  
 含多種子熏成種種即是真如隨緣義又心  
 性是一者古釋有二義一者妄心之性成心  
 之性以性相不同故真性之性真性即性故  
 二者通成謂此二性別明二藏前之二性皆  
 具二藏但為妄覆各如來藏直語藏體即自  
 性心故此自性清淨真性不與妄合名為空  
 藏具恒沙德名不空藏前明即離此明空有  
 故重出也言皆平等無二者上二即離不同  
 由心之性故不即由心即性故不離不即不  
 離為心之性後二即空之實為不空即實之  
 空為空藏空有不二為心之性然空有無入  
 二之性即是不即不離之性故但云一也

**不二之門廓然無諍** 註曰心外有法即見有  
 若了境即心能所真一即無諍矣既不涉能  
 所即非情無情但直論見性之門匪落是非  
 之道是以能所不同不可執一心境一味不  
 可稱異若以性從緣則情非情異為性亦殊  
 若派緣從性則非覺不覺若二性互融則無  
 非覺悟華嚴經云真如無少分非覺悟者則  
 真如遍一切有情無情之處若無少分非覺  
 悟者豈無性非佛性乎又經意但除執瓦樂  
 無情之見非除佛性則性無不在量出虛空  
 寧可除乎又古德云覺性是理覺了屬事如  
 無情中但有覺性而無覺了如木中但有火  
 性亦無火照今言性者但據理本誰論枝末  
 又覺智緣慮名情自性不改名性愚人迷性  
 生情故境智不一智者了情成性故物我無  
 二 **大理齊平不虧不盈道性如是無送無迎**  
**千洵海底而孤峻萬仞峰頭而坦平** 註曰傳  
 路易云須彌芥子芥子須彌 **竹祖搖風而**  
**自長桐孫向日而潛榮數朶之青山長在一**  
**片之間雲忽生** 註曰丹霞和尚忘已吟云青  
 山管雲常在山山在雲青山自開雲 **意地頓**  
 自緩皆比一心之道性皆境開閉 **意地頓**  
**空如兔角之銛利解心全息猶酸水之澄清**

註曰新豐和尚頌云井底燈塵生高山起波  
浪石女生得兒龜毛長數丈若欲學菩提應

須看 **大建法幢深提寶印居下恒高處違常**

此樣 註曰此一心法門是高建法幢又是佛祖  
順之心印乃平等門為一際地高下自相傾

順逆自違淨告人真智必無差別如華嚴經  
云智入三世悉皆平等此明俗體本真故云  
平等以六相該之即總而全別即別而全總  
即同而俱異即異而恒同即成而俱壞即壞

而俱 **握王庫刀之真形撫修羅琴之正韻** 註  
成 涅樂經中况衆生佛性昧者不見如王庫中

有真寶刀韋臣無能識者又經云阿修羅王  
琴不燥而韻此况衆生心恒轉根本法輪未  
嘗開斷如華嚴經云利說衆生說三世一時  
說 **得趣而幽途大開胡用多求了一而萬事**

**齊休但生深信** 註曰信心銘云一即一切一  
即一切即一若能如是何慮不異

華嚴經頌云種種變化無量身一切世界微  
塵等欲悉了達從心起菩薩以此初發心

**自在無礙超古絕倫荆棘變為行樹梟獍啼**

**成梵輪** 註曰高僧傳云釋智通云若夫尋近  
大衆修正觀者察微塵之本際識一

念之初原便可荆棘播無常之音梟獍說甚  
深之法十方淨土未必過此矣凡言唯心淨  
土者則一淨一切淨可 **似毛端之頭含於寶**  
胡印塵勞而成佛國也

月 註曰麗居士偈云毛頭 **如瑠璃之內現出**  
合寶月徹底見真源

**金身** 註曰法華經偈云如淨 **若暢斯宗發明**  
瑠璃中內現真金像

**妙慧別摩訶衍之骨髓摘優曇華之根蒂** 註  
摩訶衍即大乘心優曇華是

靈瑞華乘說心時難遇難解 **任聚須彌之筆**  
未寫纖毫縱鏡樂說之門難敷一偈 註曰華

聚須彌山為筆未寫 **印同異泯中邊等來去**  
普取經之一句一偈

**絕偏圓** 註曰以自心之體非同異中邊之見  
如太虛空更無異相故經云菩薩知

一切法即心自性成就慧身不由他悟又起  
信論云復次真如自體相者一切凡夫聲聞

緣覺菩薩佛無有增減非前際生非後際滅  
畢竟常恒無始已來本性具足一切功德所

謂自體有大智慧光明義通照法界義真實  
誠知義自性清淨心義常樂我淨義清涼不

變自 **水朝東而星拱北** 註曰水朝東者尚書  
在義

昔尊也有似於朝如心為萬法宗未有一法  
而不歸心者星拱北者論語云子曰為政以

德譬如北辰居其所而衆星拱之為政以德  
者無為之德也猶北辰之不移而衆星拱之

如一心不動 **谷孕風而海納川** 註曰斯皆法  
象行歸之

自然如寶藏論云谷風無能泉水無竭亦比  
道性無有間絕則道不離心心不離道故先



德云至妙靈通目之日道又楞嚴經云汝之心靈一切明了豈非真道耶

聲衆響羣音而吼地蕩然無相奇形異狀而

恭天 註曰即相無相無相即相以是一心之境界故如華嚴經中境界重重佛身無

盡互相徹入能同能別全異全同淨穢國土無障無礙不論有情無情之異皆為一心真

智之約理而分稱真而說蜜齊海內之甜火

均天下之熱 註曰一壺甜適天下之蜜皆甜一火熱盡寰中之火皆熱此況

若此一切諸法皆即是心矣 當正位之發揚因

法性之施設 註曰此心誠者有二觀一唯心入真如楞伽經云自覺聖智者令覺自心耳

攝論云通達唯是意言分別無有實法即為一唯識方便不取外相即入唯心占察經云

一唯識觀二真如實觀唯心觀淺真如觀

深能入法性法性即真如異名如起信論云心若馳散即當攝來令住正念其正念者當

知唯心無外境界此即唯心識觀次云即復此心亦無自相念念不可得此即真如實觀

若了唯心成唯心識觀若了無性成弗從事真如實觀心境兩亡則成無分別智

而失體非一非多不守已而任緣亦同亦別

註曰如前云正位發揚者未會有一法出心之正位如法華經云是法住法位世間相常

住又前云法性施設者般若經云未曾有一法而出於法性真如一心不守自性隨事建立故云亦同亦別雖隨事建本迹雙舉權實

俱存 註曰聲論云非本無以番末非末無以法即 顯本本迹雖殊不思議一也心即是本

是末 言中而盡提綱要指下而全見根源 註曰

萬法雖殊一言而無不該盡于月不第一指而各見根源如錦冠云一一事中皆具如是

無盡之德如海一滴即具百川又一一事不壞本相不離本位而圓融即入謂欲言相用

即同體寂欲謂之寂相用紛然故華嚴疏序云起言思而迥出匪但起言思抑亦出於處

語道亦復不著無言說也即言亡言即思忘思以契起 如一金分眾器之形不變隨緣之

出之旨 道猶千波含溼性之理隨緣不變之門 註曰

不變器是隨緣波是隨緣溼是不變則一心門具隨緣不變二義如演叢記云由隨緣即

不變故奪差別今體空則未我也由體空差別故奪不變今隨緣故本寂也以全本為末

故本便隱全末為本故未便亡也是則真如隨緣成眾生時未曾失於真體故令眾生非

眾生也眾生體空即法身時未曾無眾生故今法身非法身故二雙絕二既互絕則真

安平等無 若達斯宗無在不在 註曰淨名經云佛說一切

可異也 若達斯宗無在不在 註曰淨名經云佛說一切

新六 三十一

法皆無在無不在約理實而隱云無在約相  
虛而現云無不在斯即一心應顯無礙自在  
也入聖體而靡高居凡身而弗改即狹而廣

毫端遍於十方以短攝長剎那包於劫海

先德云塵舍法界無虧大小念包九世延促  
同時即是一心開合以彰殊勝如朝菌之類  
夕苑之徒豈等大椿之茂耶此是世間人物  
延促情之見耳如華嚴經明見日仙人執善  
財手時經多劫處處無邊故不可以長短思  
也若顯超勝一生頃圓若約甚深多劫莫究  
延促不可定執實在入元即極淺學問淵  
津涯矣如華嚴經頌云始從一念終成劫悉  
依衆生心想生一切剎海劫無邊以一方便  
皆清淨擇日一方便者即是自心延促由心  
定量若了一心長短之劫自盡故云皆清淨  
華嚴經頌云有數無數一切劫菩薩了知即  
一念於此善入菩提一葉落時天下秋一塵  
行常勤修習不退轉

起處厚地收向空門而及第

箇箇學無爲此是選於禪苑而封侯

佛場心空及第歸世敵生死軍之甲冑戰

悟心得記以爲封侯世敵生死軍之甲冑戰

煩惱陣之戈矛旋輪迴心外無法生死永絕  
得大揔持可作超塵之本

王三昧堪爲入道之由

註曰能觀心性名爲  
上定此心是真如三  
昧一切三昧之根本故心爲三昧之王名王  
三昧是以悟心成道萬行俱成夫若了即心  
是佛者自然謙下何以故信自心故知一切  
衆生皆有心想即是佛故既不自憍悟亦不  
輕慢他以知一心平等故經云柔和之行以  
順法界謙下是忍辱之本周易云謙亨君子  
有終象曰謙亨天道下濟而光則地道卑而  
上行天道虧盈而益謙地道變盈而流謙鬼  
神害盈而福謙人道惡盈而好謙是以於自  
於他不讚不毀若自讚非大人之相是街惑  
人若自毀是妖詭之人若毀他是謗賊之人  
若讚他是諛諛之人是以傳大士云見好見  
惡但低頭有底因緣得成病故知得地萬物  
皆生得理萬行皆成唯心之理不可忘也迄  
至成佛無有增減

如庫藏

學問宗師菩提勝樣功德叢林真

知善巧說法示現涅槃爲度衆生所有方便

一切皆是心想建立非是顛倒亦非虛誑何

以故善應了知一切諸法三世平等如不  
動實際無住不見有一衆生已變化今變化  
當受化亦自了知無所修行無有少法若生  
若滅而可得者而依於一切法令所願不空  
是爲第九

空寄千門而顯相

註曰一性是萬法之相性相分二

融之歸一和涅槃經云佛性者名第一義空  
 第一義空名為智慧此二不二以為佛性然  
 第一義空不在智慧但名法性由在智慧故名佛  
 性以性從相則唯眾生得有佛性有智慧故  
 墻壁毛髮無有智慧故無佛性若以相從性  
 第一義空無所不在則墻壁等皆是第一義  
 空如何非性故經云知一切法即心自性論  
 云以色性即智性故色體無形說名智身以  
 智性即色故說名法身遍一切處其體本均  
 今分性相 **妙跡無等寰中最親** 註曰天下最  
 故分二義 **妙跡無等寰中最親** 觀其過心也  
 以一切法從心所生離心則無一法所以華  
 嚴經云以從波羅密所生一切實益於一切  
 佛境界清淨解所生一切華嚴無生法忍所  
 生一切法如幻心所生一切堅固香周遍一  
 切佛境界如來座心所生一切寶體解諸法如夢  
 供養佛不懈心所生一切寶體解諸法如夢  
 歡喜心所生佛所住一切寶官殿無著善根  
 所生一切寶 **小器出無邊之嘉饌** 註曰華嚴  
 運華至等 **小器出無邊之嘉饌** 經云有具  
 足優美得菩薩無盡福德藏解脫門能於  
 小器中隨諸眾生種種欲樂出生種種美味  
 飲食悉令充滿以此小器能於天中充足天  
 鬼乃至人中充足人食諸佛聲聞羅漢及過  
 鬼趣等乃至云善男子且待須臾汝當自見  
 說是語時善財則見無量眾從四門入皆  
 是優婆塞本願所請既來集已敷座令坐隨  
 其所須給施飲食悉皆充足於小器中者即

是心器心為無量藏隨念出生一 **仰空兩莫**  
 切世出世間珍寶法門有何窮盡 註曰華嚴經中明智居士云我得  
**測之殊珍** 註曰華嚴經中明智居士云我得  
 須悉滿其願所謂衣服瓔珞象馬車乘華香  
 幢蓋飲食湯藥等乃至爾時居士知會眾苦  
 衆須臾繫念仰視虛空如其所須悉從空  
 一切眾會皆皆滿足然後為說種種法所  
 為得美食而充足者與說種種業福德行等  
 釋曰空中兩物者一是一居士心中出故云隨  
 意出生又云須臾繫念二是一所化眾生自心  
 成現機應冥合非一非異成就斯事仰視虛  
 空者即是法空中現故法句經 **仙人執手之**  
 云菩薩於畢竟空中燃然建立 **仙人執手之**  
**時動經塵劫** 註曰如華嚴經中見其身往  
 十方十佛刹微塵數世界中到十佛刹微塵  
 數諸佛所見彼佛刹及其眾會諸佛相好種  
 種莊嚴乃至經百千億不可說不可說佛刹  
 微塵數劫乃至時彼仙人放善財手善財重  
 子即自見身還在本處是知不動本位之地  
 身過十方未離一念之中時經塵劫古釋云  
 善財隨事差別皆入法界若圓融門境舉一  
 門即融諸門然以理融事令事如理以理顯  
 事今理如事故云理非無分謂理即事如  
 有分理亦有分不爾真理不即事故理既如  
 事隨舉一法即一法界若舉多法即多法界  
 如善財親證時執手便經多劫明一切時  
 圓融後入樓閣普見無邊明一切處圓融是  
 以善財一生能辦多劫之行若既善友力瞬  
 即六 三五